



Här Fernand Etgen
President vun der Chamber

Lëtzebuerg, de 7. November 2022

Här President,

Esou wéi den Artikel 80 vum Chambersreglement et virgesäit, bieden ech Iech, dës parlamentaresch Fro un d'Madamm Gesondheitsministesch weiderzeleeden.

Wéi op de soziale Medien ze liese war, koum et de 6. November zu laange Waardezäiten an der Kannerklinik. De konkrete Fall betrëfft e Bouf, deen vun engem Hond an d'Been gebass gi war. Well den Dokter an der Klinik zu Ettelbréck him net konnt hëllefen, huet hien d'Kand an d'Kannerklinik an der Stad iwwerwisen. Allerdéngs huet de Jong do misse laang waarden, ouni dat eppes geschitt ass. Op Nofro hin krut de Papp gesot, den Dokter, deen Déngscht hätt, wier am gaangen ze operéieren. No 5 Stonnen sinn si dunn an d'Klinik op der Kierchbiérg gefuer, wou sech direkt en Dokter ëm de Bouf gekëmmert huet. An deem Kontext wollt ech folgend un d'Madamm Gesondheitsministesch stellen.

- Ass Iech de Fall, deen op de sozialer Medien fir grouss Opreegung gesuert huet, bekannt?
- Wisou war an der Urgence vun Kannerklinik de 6. November nëmmen 1 Dokter fir eng OP disponibel?
- Wéi laang sinn am Duerchschnitt d'Waardezäiten an der Urgence vun der Kannerklinik?
- Wat wëllt d'Regierung maachen, fir d'Waardezäiten an der Urgence vun der Kannerklinik ze verkierzen?

Här President, ech bieden Iech, mäin déifste Respekt unzehuelen.

A handwritten signature in black ink, consisting of several fluid, overlapping strokes that form a stylized representation of the name 'Martine Hansen'.

Martine Hansen

Deputéiert



Äntwert vun der Madamm Gesondheetsministesch op d'parlamentaresch Fro n° 7131 vum 7. November 2022 vun der honorabeler Madamm Deputéiert Martine Hansen.

Den Gesondheetsministère huet Récksprooch geholl mam Spidol mee kann aus Grënn vun der ärztlecher Schweigepflicht net op spezifeschen Fäll agoen.

Fir chirurgesch Noutfäll bei Kanner ass am Gardenplang een pediatrieschen Chirurg sur place virgesinn an gëtt ënnerstëtzt vun engem weideren Dokter no Bedarf. Je no Schweregrad vum Patient mussen Prioritéiten an der Prise en Charge gemaach ginn.

D'Waardezäiten an der Kannerklinik sinn an deenen leschten Wochen an d'Luucht gaang bedéngt duerch die grouss Unzuel vun Patienten an den Urgencen. Allerdéngs gëtt den 'Tri de gravité' vun den Patienten séier duerchgefouert. Deementspreechend ginn déi Patienten, déi eng séier Prise en Charge benéidegen, ëmmer prioritär ënnersicht.

D'Patienten, fir déi eng normal Consultatioun duer geet, mussen deementspreechend waarden bis d'Patienten mat engem méi schëlmen Krankheitsbild traitéiert goufen.

Am Duerchschnëtt läit am Joer 2022 bis Enn November d'Waardezait bei 13 Minutten wat den Délai zwëschen der Admissioun an dem „Triage de gravité“ ugeet.

Den Duerchschnëtt vun den Waardezäiten fir all Schweregrad vun Patienten läit bei 1 Stonn an 31 Minutten (Délai zwëschen der Admissioun an dem éischten medizineschen Kontakt) woubäi d'Waardezait bei manner schwéieren Anstufungen zousätzlech méi laang ass.

Verschidden Moosnamen goufen kuerzfristeg am Zesammenhang mat der Bronchiolite Epidemie ergraff:

- d'Personal an den urgences pédiatriques gouf verstärkt via Ressourcen aus der Réserve sanitaire
- eng zousätzlech „Fasttrack“ Linn gouf installéiert fir d'Waardeäill méi séier kënnen ze entlaaschten,
- eng Preventiounskampagne géint Bronchiolite Epidemie ass den Moment am gaangen.

Lëtzebuerg, den 8. Dezember 2022

D'Gesondheetsministesch
(s.) Paulette Lenert